



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

V. Bremae religio mutata & Calvinismus sensim introductus.

urn:nbn:de:hbz:466:1-10880

Geneva egressi, omnes undique suam propagandi doctrinam occasiones captant; cumque in finem varios libellos passim spargunt, ii quum Bremam, quæ Archiepiscopal est inferioris Saxonie civitas, irrepsilient, frustra indignantibus ac frementibus Lutheranis paullatim magis magisque invaderunt. Horum præcipius fuit Albertus Hardenbergius, qui Lutheranum hactenus se simularat, sed paullatim ad Calvinistarum doctrinam deflexit. Senatus cui novitas hæc initio non valde placet, Theologorum Witenbergensium, à quibus, ut ajebant, repurgati Evangelii veritas profeta esset, sententiam exquisivit: qui unà cum Melanchthonis enim adhuc tum, scilicet A.M.D.LVI. in vivis erat) Augustana Confessioni inhærendum responderunt. Vocatus Hardenbergius, & Witembergensis Ecclesiæ, omnium Ecclesiarum matris sententia subscribere jussus, Augustanam Confessionem, ait, plenam esse errorum: tum etiam diversas eius existare formas quo Papismum redoleant. Illud probandum, ejus auctores divino spiritu illustratos fuisse. Quum ergo ut Augustanæ subscriberet Confessioni impetrari ab eo non posset, jubetur saltem Concordiæ inter Lutherum & Bucerum Anno M.D.XXXVI. factæ articulos approbare. Ille vero sèpius ex Melanchthonis ore audivisse se ajebat, articulos illos numquam communis consensu fuisse approbatos ac signatos. Mittitur ergo ad Melanchthonem, qui Wormatæ tum erat, Joannes Schlungravius, qui rei veritatem exquirat. Is reversus longe aliud quam Hardenbergius dixerat, responsum attulit, nimirum articulos illius Concordiæ à Melanchthonis, Pistorio, & aliis Theologis tanquam Christianos & Evangelicos recipiatque approbari. Quo minus ergo tum Hardenbergius institutum perfecerit, quum hoc tum bellum exortum obstitit: ut & Danorum regis intercessio, qui ut regnum quod legitimo domino extorserat, stabiliret, Saxoniam Confessionem amplexus fuerat, & Bremenses tum ne quid innovarent, sollicitabat. Nec tamen animum abjecit Hardenbergius, ad Danos nequaquam pertinere dictans, Germanorum conscientiis villas leges præscribere. Interim Tilemanus Heshusius in Superintendentem eligitur, qui non Hardenbergium tantum sed omnes quoque Calvinistas acerrimis scriptis infectatus est: Hardenbergio ad Heidelbergensis, Lipsiensis & Witenbergensis Academiarum judicia frustra provocante.

Tandem vero Hardenbergius non Brema tan-

tum, sed tota etiam Saxonia ejclus, Habito Conventu Lunæburgi mense Maio [a] Embdam Frisiae orientalis metropolim profugit, ibique apoplexia fuit extinctus, divisionis & seditionis post se reliquo inter auditores suos spiritu è quo postea mutua execrations, ac præcipuorum civium proscriptiones existiterunt. Sic ejctis Calvinistis, Brema Lutheranismus rursum fuit stabilitus. At biennio post Calvinistæ, ut de ipsorum doctrina plenius cognoscetur perierunt, & ut Colloquium Mulbrunne institueretur, Anno 1564. mense Aprili [b] impetrarunt, cui Elector Palatinus & Dux Wirtembergicus interfuerunt, Brentio & Smidellino è Lutheranorum, & Boquino cum sociis è Calvinistarum partibus ad disputandum delectis. Sed æque, immo magis incertis animis hinc discessum fuit. Non multo post Brema, charissimi quondam sui patris Lutheri abjecta memoria, Genevaensem Confessionem recepit. Anno 1562. Est vero hæc Imperialis civitas, quæ tamen in quibusdam Archiepiscopi, qui Protestantum doctrinam sequitur, & è Ducum Brunsuicensium est familia, imperium agnoscit, eodem modo quo Brandenburgicus superioribus annis Argentoratensis Episcopatus Administratorem se tulit, nullo alio sacro fungens officio, quam quod Ecclesiasticos capi proventus, ut suo loco dicam. Attu, Lector, hic Septentrionalium populorum infelicitatem considera, quia ad Principis libidinem religionem mutare coguntur, ut sequenti capite apertius ostendetur.

[a] Anatomia Eccl. Cathol. [b] Eadem.

DE FREQUENTI ET MISERABILI RELIGIONIS IN PALATINATU AD RHENUM MUTATIONE.

CAPUT NONUM.

ARGUMENTUM.

- I. *Vsus & Lex in Germania, ut subditus Principis religionem sequatur.*
- II. *Beza Calvini iussu ad Comitem Palatinum proficitur, & fidiam de Cœna Domini confessionem edit.*
- III. *comes Palatinus abdicato Lutheranismo Calvinismum amplectitur.*
- IV. *Eius filius & successor Ludovicus, Calvinismo profigato, Lutheranismum reducit.*

V. Iohann.